

Bosna i Hercegovina  
Federacija Bosne i Hercegovine  
Unsko-sanski kanton  
Javna ustanova  
**Pedagoški zavod**  
Unsko-sanskog kantona  
Bihać



Bosnia and Herzegovina  
Federation of Bosnia and Herzegovina  
The Una-Sana Canton  
Public Institution  
**Pedagogical Institute**  
Una-Sana Canton  
Bihać

---

## **P R O G R A M**

**XXVII Smotre sposobnosti, znanja, stvaralaštva i sporta  
učenika osnovnih škola Unsko-sanskog kantona  
za školsku 2019/20.godinu**

Bihać, decembar 2019. godine

## OPĆE ODREDBE

Smotra sposobnosti, znanja, stvaralaštva i sporta svojom organizacijom, načinom provođenja odgovarajućih takmičenja koja su njen sastavni dio, te prezentacijom postignuća i umijeća, treba da pomogne boljoj afirmaciji vannastavnih aktivnosti, individualnog rada učenika te posebnog rada sa darovitim učenicima u redovnoj nastavi i ostalim oblicima rada sa učenicima.

Primarni zadatak Smotre je masovno sudjelovanje učenika i podizanje kvalitete odgoja i obrazovanja u osnovnim školama Unsko-sanskog kantona na viši nivo.

Smotra je kao odgojni i obrazovni projekat dostupna svim osnovnim i srednjim školama Unsko-sanskog kantona.

Osim razvijanja znanja, sposobnosti i umijeća u raznim oblastima, Smotra ima za cilj da se postignu i određeni drugi efekti razvoja ličnosti učenika na moralnom i društvenom planu. Ona treba da pomogne izgrađivanju samostalnosti i odgovornosti učenika, da podstakne razvoj timskog rada, da izgrađuje duh tolerancije, poštivanja različitosti, da doprinese u odgajanju učenika u duhu bosanskohercegovačkog patriotizma, da pomogne u razvijanju svijesti o bogatstvu multikulturalnosti i multikonfesionalnosti Bosne i Hercegovine te da se izgrađuje svijest o pripadnosti Bosne i Hercegovine Evropi odnosno da se izgrađuje evropski identitet.

Pravo na sudjelovanje na Smotri imaju svi učenici osnovnih škola Unsko-sanskog kantona.

Smotra ima takmičarski karakter.

Učenici će se takmičiti iz:

- engleskog jezika,
- njemačkog jezika,
- matematike,
- fizike,
- informatike,
- naučno-tehničkog stvaralaštva,
- islamske vjeronauke,
- pravoslavne vjeronauke,
- kulturno-umjetničkog stvaralaštva,
- CIVITAS projekat „JA GRAĐANIN“,
- saobraćajno-obrazovno takmičenje učenika,
- sporta.

U slučaju nedostatka materijalnih sredstava organizacioni odbor zadržava pravo izmjene sadržaja i kalendara pojedinih takmičenja.

## **ORGANIZACIJA I PROGRAM SMOTRE**

### **ŠKOLSKA TAKMIČENJA**

Nastavnička vijeća svih osnovnih škola na svojim sjednicama će odabrati organizacione odbore koji će provesti školska takmičenja, a u skladu sa Pravilnikom.

Školski organizacioni odbori napraviti će programe školskih takmičenja iz svih oblasti.

Školski organizacioni odbori odredit će članove komisija i žirija za provođenje školskih takmičenja.

Škole će na općinskim takmičenjima predstavljati do pet predstavnika iz svake oblasti, odnosno osam članova tima u okviru Smotre „JA GRAĐANIN“ i jedna tačka kulturno-umjetničkog programa.

O rezultatima školskih takmičenja, školski organizacioni odbori obavijestit će općinske organizacione odbore.

Školska takmičenja iz svih oblasti provest će se do kraja februara 2020. godine.

### **OPĆINSKA TAKMIČENJA**

Aktivi direktora osnovnih škola općine izabrat će općinske organizacione odbore u skladu sa Pravilnikom.

Prve sastanke organizacionih odbora sazvat će predsjednik općinskog aktiva direktora.

Općinski organizacioni odbori biraju predsjednika koji će rukovoditi radom odbora.

Općinski organizacioni odbori biraju članove komisija i žirija za provođenje općinskih takmičenja iz svih oblasti.

Općinski organizacioni odbori napraviti će detaljne programe općinskih takmičenja.

Općinska takmičenja moraju imati svoje završne javne manifestacije na kojima će biti predstavljeni najuspješniji učesnici.

Općinska takmičenja iz svih oblasti osim kulturno-umjetničkog programa moraju se završiti prije završne manifestacije na kojoj će biti proglašenje općinskih pobjednika. Pobjednici općinskih takmičenja i jedna tačka kulturno-umjetničkog programa predstavljat će općine na Kantonalnoj smotri.

O rezultatima općinskih takmičenja općinski organizacioni odbori obavijestit će kantonalni organizacioni odbor.

### **KANTONALNO TAKMIČENJE**

Prvi sastanak kantonalnog organizacionog odbora sazvat će Pedagoški zavod. Kantonalni organizacioni odbor će činiti jedan predstavnik Pedagoškog zavoda i predsjednici općinskih organizacionih odbora.

Kantonalni organizacioni odbor organizira i provodi kantonalnu smotru.

Kantonalni organizacioni odbor bira članove komisije i žirija za provođenje smotre.

Kantonalni organizacioni odbor izradit će detaljan program kantonalne smotre.

Kantonalna takmičenja iz svih oblasti osim kulturno-umjetničkog programa moraju se završiti prije završne javne manifestacije na kojoj će biti proglašeni pobjednici.

Kantonalna takmičenja će se održavati prema Kalendaru takmičenja.

Broj učenika na kantonalnim takmičenjima treba da je srazmjernan broju učenika na općini.

Za svako područje takmičenja utvrđen je broj predstavnika svake općine.

Kod ekipnih takmičenja i kulturno-umjetničkog stvaralaštva pobjednička ekipa sa općinskog takmičenja učestvuje na kantonalnom takmičenju.

Ova takmičenja treba završiti prije federalnih i državnih takmičenja.

Završna manifestacija održat će se u aprilu 2020. godine.

## ENGLISKI JEZIK

Pravo sudjelovanja imaju učenici sedmih, osmih i devetih razreda.

Sadržaji proizilaze iz NPP-a.

Sa općinskog takmičenja učenika sedmih i osmih razreda na kantonalno takmičenje općinski organizacioni odbori će uputiti takmičare kako slijedi:

- jedan učenik iz općine Bosanski Petrovac,
- dva učenika iz općine: Ključ,
- po tri učenika iz općina: Bosanska Krupa, Bužim, Sanski Most,
- po četiri učenika iz općina: Velika Kladuša, Cazin i Bihać,  
za svaki razred, a koji će biti odabrani na općinskim takmičenjima.

Dva najbolja učenika devetog razreda na nivou svake škole će ići direktno na kantonalno takmičenje za devete razrede koje će se održati u Unsko-sanskom koledžu.

Prijavu učenika devetih razreda, zajedno sa imenima pratilaca, svaka škola treba poslati u Unsko-sanski koledž, koji je organizator cjelokupnog takmičenja.

**Na federalno takmičenje upućuju se po tri prvoplasirana učenika iz sedmog i osmog razreda.**

Takmičenje pod nazivom „**STARS OF ENGLISH 2020**“ provest će se u skladu sa procedurama koje je utvrdio „Unsko-sanski koledž“ uz saglasnost JU Pedagoški zavod Unsko-sanskog kantona.

Pravo sudjelovanja imaju učenici koji ne govore engleski kao materinji jezik, koji ne žive u kućanstvu s osobom koja govori engleski kao materinji jezik, koji nikada nisu pohađali program INTERNATIONAL BACCALAUREATE ( IB), koji nikada nisu išli u školu ( od 1. razreda nadalje) u zemlji gdje je engleski službeni jezik.

Takmičenje se organizira za učenike osmog i devetog razreda.

Takmičenje se sastoji od četiri kategorije:

- Izazov sricanja,
- Dramski izazov,
- Kratki film,
- Debata.

Sva pitanja (način pripreme, termini i edukacija nastavnika) u vezi ovog takmičenja, uređuju se Programom takmičenja „STARS OF ENGLISH 2020“, koji je sastavni dio ovog Programa.

JU Pedagoški zavod Unsko-sanskog kantona zadržava pravo izmjena, dopuna ili potpunog isključivanja ove aktivnosti iz Smotre sposobnosti, znanja, stvaralaštva i sporta za osnovne škole Unsko-sanskog kantona.

## NJEMAČKI JEZIK

Pravo sudjelovanja imaju učenici završnog razreda osnovne škole.

Sadržaji takmičenja odgovara nivou A2 evropskog referentnog okvira.

Pobjednik (samo prvo mjesto jedan učenik) iz svake škole se upućuje na kantonalno takmičenje.

## MATEMATIKA

Pravo sudjelovanja imaju svi učenici od šestog do devetog razreda.

Sadržaji takmičenja proizilaze iz NPP-a.

Sa općinskog na kantonalno takmičenje općinski organizacioni odbori će uputiti takmičare kako slijedi:

- jedan učenik iz općine Bosanski Petrovac,
- dva učenika iz općine: Ključ,

- po tri učenika iz općina: Bosanska Krupa, Bužim, Sanski Most,
  - po četiri učenika iz općina: Velika Kladuša, Cazin i Bihać,
- za svaki razred, a koji će biti odabrani na općinskim takmičenjima.

Na kantonalnim takmičenjima bit će odabrana po tri najuspješnija takmičara za svaki razred.

## **FIZIKA**

Pravo sudjelovanja imaju svi učenici osmog i devetog razreda.

Sadržaji takmičenja proizilaze iz NPP-a.

Sa općinskog na kantonalno takmičenje općinski organizacioni odbori će uputiti takmičare kako slijedi:

- jedan učenik iz općine Bosanski Petrovac,
  - dva učenika iz općine: Ključ,
  - po tri učenika iz općina: Bosanska Krupa, Bužim, Sanski Most,
  - po četiri učenika iz općina: Velika Kladuša, Cazin i Bihać,
- za svaki razred, a koji će biti odabrani na općinskim takmičenjima.

Na kantonalnim takmičenjima bit će odabrana po tri najuspješnija takmičara za svaki razred.

## **INFORMATIKA**

Pravo sudjelovanja imaju učenici osnovne škole.

Sadržaji takmičenja proizilaze iz NPP-a za osnovnu školu i poznavanja programiranja u Paskalu ili C<sup>++</sup>.

Na školskom takmičenju mogu učestvovati učenici neovisno od razreda koji pohađaju.

Broj učenika na općinskom takmičenju odredit će općinski organizacioni odbor, ali najmanje po dva učenika iz jedne škole.

Sa općinskog na kantonalno takmičenje općinski organizacioni odbori će uputiti takmičare kako slijedi:

- jedan učenik iz općine Bosanski Petrovac,
  - dva učenika iz općine: Ključ,
  - po tri učenika iz općina: Bosanska Krupa, Bužim, Sanski Most,
  - po četiri učenika iz općina: Velika Kladuša, Cazin i Bihać,
- za svaki razred, a koji će biti odabrani na općinskim takmičenjima.

Na kantonalnom takmičenju bit će odabrana tri najuspješnija takmičara.

## **NAUČNO-TEHNIČKO STVARALAŠTVO**

Pravo sudjelovanja imaju svi učenici od petog do devetog razreda

Sadržaji takmičenja proizilaze iz NPP-a i vannastavnih aktivnosti.

Svaka škola će na općinsko takmičenje uputiti po jednu ekipu. Ekipa broji 5 članova. U ekipi, obavezno, mora biti najmanje jedna djevojčica.

Ekipe će se takmičiti u znanju i izradi praktičnih radova.

Testovi se rade iz programa nastave tehničke kulture od petog do devetog razreda.

Praktičan rad:

- Izrada modela i maketa iz raznih oblasti tehnike
- Izložba tehničkih radova iz nastave.

Na kantonalnom takmičenju svaku općinu predstavljaju pobjednici općinskih takmičenja pojedinačno i ekipno. Predstavnici općinskih organizacionih odbora i aktiv nastavnika tehničke kulture na nivou kantona će utvrditi broj takmičara proporcionalno učešću škola na općinskom nivou.

Na kantonalnom takmičenju tri najbolje plasirane ekipe predstavljaju naš kanton na državnom prvenstvu.

## **ISLAMSKA VJERONAUKA**

Pravo sudjelovanja imaju svi učenici osmog i devetog razreda.

Sadržaji takmičenja proizilaze iz NPP-a Islamske vjeronauke i važećih udžbenika za te razrede, te dodatne literature definirane Nastavnim planom i programom koja se sastoji od djela:

- Hamidullah, M. (1996). Uvod u islam. Sarajevo. Rijaset Islamske zajednice u BiH.

Svaka škola na općinsko takmičenje uputit će tri takmičara – pobjednika na školskom takmičenju za svaki razred.

Sa općinskog na kantonalno takmičenje općinski organizacioni odbori će uputiti takmičare kako slijedi:

- jedan učenik iz općine Bosanski Petrovac,
- po tri učenika iz Općina: Ključ i Bužim,
- po četiri učenika iz općina: Bosanska Krupa i Sanski Most i
- po pet učenika iz općina: Velika Kladuša, Cazin i Bihać,

za svaki razred, a koji će biti odabrani na općinskim takmičenjima.

Na kantonalnom takmičenju pravo sudjelovanja imaju i učenici iz Medžlisa koji pripadaju Muftijstvu Bihaćkom, a nisu u sastavu Unsko-sanskog kantona kako slijedi:

- po jedan učenik iz općina: Bosanska Kostajnica i Bosanski Novi te
  - dva učenika iz općine Prijedor
- za svaki razred.

Na kantonalnom takmičenju bit će odabrani najbolji pojedinci i formirana ekipa koja će naš kanton predstavljati na nivou BiH.

## **PRAVOSLAVNA VJERONAUKA**

Pravo sudjelovanja imaju učenici šestog razreda prema propozicijama koje će utvrditi nadležna vjerska zajednica.

Tema: Sveti Sava i samostalnost srpske crkve.

Za provođenje općinskog takmičenja zaduženi su nastavnici Pravoslavne vjeronauke. Isti su dužni koordinirati sve aktivnosti sa općinskim i kantonalnim organizacionim odborima.

Nastavnici, kao nosioci ove aktivnosti, dužni su primjerke testova dostaviti JU Pedagoški zavod Unsko-sanskog kantona prije održavanja takmičenja, kako općinskih, tako i takmičenja na nivou Eparhije.

## **KULTURNO-UMJETNIČKO STVARALAŠTVO**

Pravo sudjelovanja imaju svi učenici osnovnih škola Unsko-sanskog kantona i polaznici predškolskih ustanova.

Sadržaji predstavljaju dramsko, recitatorsko, folklorno, ritmičko, horsko i kolažno-umjetničko stvaralaštvo sekcija, klubova i družina učenika osnovnih škola.

U općinama sa više škola, svaku školu će na općinskom takmičenju predstavljati jedna tačka kulturno-umjetničkog programa, a u općinama s manjim brojem škola, škole mogu na općinsko takmičenje uputiti i više tačaka kulturno-umjetničkog programa ukoliko se tako utvrdi na općinskom organizacionom odboru. Na smotri je potrebno obzbiditi učešće predškolskih ustanova sa bar jednom tačkom u programu na općinskom i kantonalnom nivou.

Na kantonalnoj smotri svaku općinu će predstavljati po jedna tačka kulturno-umjetničkog programa (pobjednik općinskog takmičenja).

Na kantonalnoj smotri biraju se tri najuspješnije tačke kulturno-umjetničkog programa. Najuspješnija tačka kulturno-umjetničkog programa predstavljat će Unsko-sanski kanton u daljnim takmičenjima ukoliko na višim nivoima ista budu organizirana.

Redoslijed izvođenja se bira žrijebom. Takmičenje prati žiri kojeg čini po jedan predstavnik svakog učesnika takmičenja. Glasanje se obavlja tajno, odmah po završetku kulturno-umjetničke tačke, a rezultati se, za svaku kulturno-umjetničku tačku, stavljaju u zasebnu kovertu. Ne glasa se za „svoju“ kulturno-umjetničku tačku. Svaki član žirija može dati od jednog do deset bodova jednoj tački. Na kraju se rezultati javno objavljuju.

Maksimalno trajanje tačke kulturno - umjetničkog programa je **12 minuta**. Sve tačke kulturno-umjetničkog programa izvode se uživo, osim što je za ritmičke, folklorne i recitatorske dijelove dozvoljeno korištenje snimljene muzičke pratnje.

Domaćin je u obavezi da obezbjedi učešće polaznika iz svog obdaništa/dječijeg vrtića.

## **CIVITAS – PROJEKAT „JA GRAĐANIN“**

Pravo sudjelovanja imaju svi učenici osnovnih škola.

Sadržaji predstavljaju timski pristup identifikaciji i rješavanju problema javne politike u svojim zajednicama.

Svaka škola će na općinsko takmičenje uputiti pobjednički tim koji broji osam članova.

Svaka općina će na kantonalno takmičenje uputiti prvoplasiranu ekipu.

Takmičenje prati žiri na svim nivoima takmičenja kojeg čine koordinatori ekipa učesnica.

Glasanje se vrši bodovanjem prema kriterijima i na odgovarajućim obrascima Projekta „JA GRAĐANIN“.

Na kantonalnom takmičenju žiri će biti proširen sa predstavnicima Ministarstva i Pedagoškog zavoda.

## **SAOBRAĆAJNO-OBRAZOVNO TAKMIČENJE**

Pravo sudjelovanje imaju učenici uzrasta 10-12 godina.

Sadržaje, propozicije i dinamiku takmičenja utvrdit će BIHAMK koji je nosilac aktivnosti za ovo takmičenje.

Obavezuje se BIHAMK da materijale (Pravilnik, propozicije i sl.) dostavi svakoj školi na Unsko-sanskom kantonu.

## **SPORT**

Sportska takmičenja organiziraju i provode Kantonalni i Općinski sportski savezi, u saradnji sa Društvom pedagoga tjelesne kulture i Aktiva nastavnika TIZO.

Isti su u obavezi aktivnosti na provođenju ovog takmičenja koordinirati sa Općinskim i Kantonalnim odborom smotre.

Preporučuje se da se masovna sportska takmičenja organiziraju u dane kad se ne izvodi redovna nastava.

## ZAVRŠNE ODREDBE

Posebnu pažnju treba posvetiti medijskoj prezentaciji manifestacije na svim nivoima.

O tačnim datumima održavanja općinskih i kantonalne smotre škole će na vrijeme biti obaviještene.

Kako bi bila što veća masovnost učešća učenika preporučujemo da jedan učenik bude učesnik samo jednog takmičenja čime bi se rasteretili pojedini učenici i ispoštovao kalendar takmičenja.

Za sva tumačenja škole se mogu obratiti JU Pedagoški zavod Unsko-sanskog kantona i kantonalnom organizacionom odboru.

**Na sastanku kantonalnog Organizacionog odbora održanom 09.12.2019. godine, usvojen je Kalendar takmičenja i Program XXVII smotre sposobnosti, znanja, stvaralaštva i sporta učenika osnovnih škola Unsko-sanskog kantona za školsku 2019/20. godinu.**

EA

Broj: 05-203-496-1/19.

Datum: 09.12.2019.g.

**DIREKTOR**

---

**Smajo Sulejmanagić, prof. s.r.**